



A cussegls da scola, direcziuns da scola e persunas d'instrucziun

(*texts cursivs* dirigian cun in *clic* sin ina pagina-web)

Info 2016/17
Nr. 1

Examen d'admissiun progimnasi: www.ahb.gr.ch


Las pretensiuns per l'access en l'emprima classa dal progimnasi èn en vista a l'introducziun dal nov med da matematica da la 6avla classa vegnidas adattadas dal Uffizi per la furmaziun media-superiura. Per la calculaziun da la nota d'admissiun vegnan da nov mo pli resguardadas las notas da matematica, emprim linguatg sco era il segund linguatg. Ina survista detagliada da las pretensiuns sco era ulteriuras infurmaziuns chattais qua: [pagina-web AHB](#).

Sustegn finanziel per emnas cumpactas sin il stgalim secundar I:

A partir da quest onn da scola datti ina pitschna midada per far giu quint cul uffizi per incassar las contribuziuns per emnas cumpactas sin il stgalim secundar I. La partiziun da finanzas na dovra dils purtaders da scola naginas indicaziuns pli. Las dumondas per emnas cumpactas èn d'inoltrar sco enfin ussa al inspecturat da scola districtual e quel infurmescha la partiziun da finanzas suenter che l'emna da cumpact è terminada sur da la lubientscha inclus las agiuntas. Ils purtaders da scola retschaivan da nov las contribuziuns cun las ulteriuras contribuziuns chantunalas a la fin da l'onn da scola.

Giudicament d'admissiun 2016:

30 scolaras e scolars (ca. 2 % dals scolars/-as da las 6avlas classas) han absolvi l'examen d'admissiun 2016. Trais scolars/-as (10 %) han giu success e san frequentar sin basa da lur resultats l'onn da scola actual la secundara.



Grafica: Dumber d'annunzias per l'examen d'admissiun

Cun quella occasiun lain nus engraziar cordialmain a tut las persunas d'instrucziun ch'èn stadas responsablas per l'assegnaziun al stgalim secundar I. La buna pratica applitgada ed ils discurs confidenzials cun ils geniturs ed uffants èn il motiv, che era quest onn hai da uschia paucas annunzias.



Italiano subito – talian per tots: www.avs.gr.ch

"Italiano subito" porscha a scolaras e scolars en la vegliadetgna da 13 enfin 16 onns senza enconuschientschas dil talian in'emna intensiva cun 28 lecziuns cumponidas a moda modulara. La purschida sa drizza surtut a scolas rumantschas dil stgalim secundar I. Ulteriuras infurmaziuns, materials d'instrucziun e pussaivladads d'empustaziuns chattais qua www.italianosubito.ch u [qua](#).

Di da linguatg 2016: www.avs.gr.ch

Il 26 da settember 2016 ha lieu il di "europeic da linguatg". Quel è vegni inizià dal Cussegl da l'Europa ed ha per finamira d'accentuar la multifariadad linguistica e da promover il imprendier linguatgs per vita duranta. Quel di porscha ina buna pussaivladad da discutir il tema "linguatgs e culturas" cun las classas. La Conferenza dals directurs da l'educaziun dals chantuns da la Svizra metta a disposiziun ideas per l'instrucziun e divers materials. Dapli infurmaziuns chattais èn l'aggiunta 1 u [qua](#).

Fiutscher 2016: www.fiutscher.ch

L'exposiziun da las professiuns "fiutscher 2016" ha lieu quest onn a Cuira dils 9 enfin 13 da november 2016. Ils documents d'annunzia vegnan tramess tiers directamain a las scolas. Annunzias èn pussaivlas enfin la mesadad da settember 2016. Ulteriuras infurmaziuns chattais [qua](#).

Di naziunal da l'avegnir: www.nationalerzukunftstag.ch

Il "di naziunal da l'avegnir", oriundamain di naziunal da la figlia, porscha a mattas e mats da la 5avla enfin la 7avla classa la pussaivladad da midar perspectiva e da sa fatschentar cun champs da lavur e secturs da la vita nunusitads. Il di naziunal da l'avegnir da quest onn ha lieu ils 10 da november 2016. Ulteriuras infurmaziuns chattais [qua](#).

Suspensiun da „scola en moviment“: www.schulebewegt.ch

L'Uffizi federal per il sport BASPO vegn a suspender il program da "scola en moviment" per motiv da respargn sin ils 01.01.2017. Per l'onn da scola actual è la realisaziun anc garantida. Preschentamain vegn examinà, sch'ils materials d'instrucziun existents san vegnì mess a disposiziun era en il futur.



Bisch fit / Es ti fit – pais corporal sanadaivel: de.graubuenden-bewegt.ch



L'Uffizi da sanadad dal chantun Grischun realisescha a partir dal 2008 il program "Es ti fit – pais corporal sanadaivel". Finamira dal program èsi tranter auter d'augmentar il dumber d'uffants cun in pais corporal sanadaivel. El rom da BMI-monitorings vegnan rimnadas datas tar il pais d'uffants e giuvenils. Ils novs resultats da la terza evaluaziun sco era infurmaziuns tar il program, purschidas e materials per la scola chattais sin la [pagina – web](#) correspondententa. In curt video infurmescha sur dils pli impurtants fatgs e sa ins telechargiar [qua](#) u cun il QR-Code sura preschentà.

Plattafurma scola+velo: www.schule-velo.ch

La fin zercladur 2016 è vegnida lantschada la plattafurma plurilingua "scola+velo", tgi unescha tut las purschidas da velo sot in tetg. Ella dat ina survista sur dal program e las purschidas e pussibilitescha qua tras a la magistraglia da chattar la dretga offerta. Ulteriuras infurmaziuns chattais qua sin la [pagina-web](#) da „scola+velo“.

Instrucziun civica sin il tablet – la confederaziun declerada curt e bun:

La brochura „Der Bund kurz erklärt – la confederaziun declerada curt e bun“ è in med d'instrucziun popular e vegn duvrà savens da las personas d'instrucziun. Ella porscha ina survista actuala sur da la politica, administraziun e giustia da la Svizra. Ussa datti ella era sco app per tablets e smartphone. Per l'ediziun 2016 èn tut las 80 paginas vegnidas redigidas da nov. L'editura da „Der Bund kurz erklärt – la confederaziun declerada curt e bun“ è la chanzlia federala. La brochura sa ins pustar [qua](#). L'app datti sut il num „CH info“ per iOS en il App Store u per Android en il Google Play Store.

Jau giavisch a tuts ina buna entschatta en il nov onn da scola e blers plaschairs en l'instrucziun.

Andrea Caviezel, manader inspecturat chantunal



Part regionala: District Plessur – Grischun central

Termins procedura d'admissiun:

Decisiun d'assegnaziun probabla:	27.01.2017
Decisiun d'assegnaziun definitiva: (per scolas, nua tgi quel termin croda en il temp da las vacanzas da primavaira, vala sco termin definitiv la mesemna avant las vacanzas ils 12 d'avrigl 2017).	19.04.2017
Examen da recurs:	30. e 31.05.2017

Termins d'evaluaziun 2016/17

Scola	Emna d'evaluaziun
Cuira, Herold	26.09 - 30.09.2016
Tusaun, stgalim primar	31.10 - 04.11.2016
Center per pedagogia speziala Giuvaulta a Giuvaulta	14.11.- 08.11.2016
Surses	06.02 - 10.02.2017

Scola	Emna d'evaluaziun
Tusaun, stgalim superiur	06.03 - 10.03.2017
Panaduz, stgalim primar	20.03 - 24.03.2017
Cuira, Florentini	03.04 - 07.04.2017
Cuira, Masans	08.05 - 12.05.2017



Quest ed ulteriurs scrivers d'infurmaziun savais telechargiar sot il suandant link: [Communicaziuns Plessur-Grischun central](#)

L'archiv cun tut ils scrivers d'infurmaziun chattais era cumadaivel cun il QR-code qua dasperas.

Nus ans legrain sin ina buna collavuraziun en il nov onn da scola 2016/17 e giavischain blers plaschairs cun voss uffants e giuvenils a vus confidai.

Avust 2016

Per igl team districtual

Pauli Dosch, manader